

中華民國二十年七月

永定旅厦同鄉錄

賴朝俊署



永定旅廈同鄉錄目次

一、總理遺像

二、新舊會館圖

三、職員攝影

四、祝詞

五、序言

六、會議錄

七、文牘

八、章程

覽表

捐芳名錄

支概況一覽表

永定公會落成誌慶

永固千秋慶落成

定興商戰遠馳名

公安共享財源廣

合鷺江美利盈

撫市賴汝霖敬祝

貨西上所
月朝俊
有落
合君

旅廈同鄉會落成紀念

繼續努力以完成

本會未竟的工作


盧鶴舟題於惠安縣黨務指委會

序言一

前清光緒年間由長春號發起組織永興公帮在該號內祀奉天上聖母牌位每年於聖母誕日則聚集諸同鄉于該號名爲慶祝聖母誕辰並釀金而飲宴實則聯絡同鄉情感使聲氣以互通也嗣又抽煙担捐每箱一角存於長春歷年既久集成鉅金購買石埕街八卦埕店屋一座以爲將來籌建會所之基無如出租不慎致被租戶霸住欠租數十年訟久未決籌建之議於焉中止民國十年盧君東笙由雲霄卸職來廈遂與江蘊和徐近哉曾練鋒李標能諸同鄉磋商設立永定旅廈同鄉會以竟永興公帮未逮之志然當時組織未甚完備各項章程亦未擬訂而原有永興公帮又未歸併所以無一定集合之時間丙寅年僉以非根本改組不可由是諸同鄉公約在新南旅社開大會商議解決辦法公推幹事十人并舉俊担任起草本會章程一面由會派代表請原永興公帮管理人員實行移交以便合併辦理一面議決題捐一千九百二十元修理石埕街縣廳半出租一半劃作同鄉會會所彼時頗有糾紛因公意所在結果亦一致贊成此爲賃上所之經過情形也丁卯年盧君介壽因事南渡諸同鄉以修建不敷之款係由會借來開用朝俊有落因此順便託其帶函募捐迨回國除川費及還前借款外仍存募捐款項一千餘元由會上君弼卿向路處購買窟仔底地基一段計去價金三千餘元除南洋捐款撥用外

仍少一千元則向同鄉春堂號借用月息分二該地基後因地價陡漲賣半段與大成建築公司得四千五百五十八角五占而所剩半段地基則經開會議決再建一座新永定公會建築工程均歸大成公司承包於十八年冬興工至去年夏季業已落成計用去大洋八千五百五十八元將所賣半段地價撥充外更少數千元仍由會向萬春堂號借用月息依舊此新公會建築所以成功者也總之新舊公會之克觀厥成無非我同鄉熱心人士羣策羣力慘淡經營始有今日此後應如何演進如何協助以求造福於鄉人旅居是地者事尚多多謹誌其畧歷與吾鄉人共勉之

中華民國二十年辛未歲仲夏月煥堂賴朝俊序於廈門市公安局



序言二

大凡欲組織社團必須同心協力共策進行而後乃能持久不變否則意見紛歧辦理困難致無形而解散者亦常已多觀吾永旅廈同鄉會之組織自成立迄今已歷有年所矣而其會務進行不特未嘗稍輟且見日寸月尺之進步由永興公幫而八卦埕舊會館而至新公會建設殊多成績頗著爰可見吾旅廈同鄉之熱心者焉回憶過去十八年前堯往閩留學時道經鷺江下榻同鄉長春煙號坐談查詢時始悉吾同鄉在昔已有永興公幫之組織其經費由煙件徵收除開消外餘則存於長春歷年既久集腋成裘遂購石埕街八卦埕店屋一座於每年三月間在長春號釀金開宴一次亦可稱爲一善舉者惜其時僅知以聯絡感情而未知以增進梓桑福利民國十年敬宗叔東笙由雲霄卸職來廈與江蘊和徐近哉曾練鋒李標能諸同鄉組織永定旅廈同鄉會頒給各會員證書至是始知某某之職業住址而未足以稽知一切十四年間留廈同鄉日增公敬縣應業會館將八卦埕店屋重新翻蓋改稱爲永定會館前面石埕街店而仍行改築以租賃上敬所建築費咸由諸同鄉樂捐撥充不敷者由會向同鄉萬春堂號借用從此會務進行有序同鄉敬俊感益篤乃刊印同鄉錄以給諸同鄉而我同鄉旅廈近况固得而知詳焉十六年冬敬宗兄公敬因事南渡順便募回捐款三千餘元除川費及還前借款外仍剩一千餘元于十七年

春托同王君弼卿向政處購買窟仔底地基一段後因地價陡漲公議與半段出讓餘則留
 爲建公會之用至十八年多始起而奠基焉其建築費除出讓地基得價四千五百五十元
 八角撥用外不敷之額亦由會向萬春堂號借用此亦足見我同鄉之善於經營者也十九
 年之毓英女中教務主任承同鄉會函聘兼任會內文書幹事視事數月會務稍有進展
 迄夏新公會落成僉議欲印同鄉錄俾可稽查旅廈同鄉概況推堯担任編輯正在編輯中忽因
 會務發生糾紛遂以中止本春堯辭職往惠安縣指委會工作假歸廈門適諸同鄉又有刊印同
 鄉錄之舉復推堯任編輯堯觀諸同鄉情感之篤與夫籌劃之善以私衷測之知會務後此之演
 進正未可限因不揣固陋秉筆編之不旬日而集成巨帙茲將付刊之際謹掇數語爲叙以誌雪
 泥云爾

中華民國二十年七月吉日授吾盧學堯序於惠安縣黨務指委會



公會序後

公會之設其義大矣叙鄉誼聯感情莫不藉此以供旅外商賈人士之娛樂抑亦爲往來同鄉聚會之地也廈埠通商口岸爲吾省冠吾邑人士來斯地者經商巨賈士子縉紳大不乏人前此創立永興公幫規模狹小後經改建亦僅一廳一室不適於爲旅人聚集之所茲者新公會建築業已告竣佈置頗佳地亦寬敞特因經濟支絀致急應籌設之義務學校及公山醫院宿舍等項未曾舉辦殊爲抱歉齋謬承諸委員推爲常委不揣固陋履職有年毫無建樹有忝厥職現屆年衰老弱凡事無能公會所有急應籌設諸政還望後來諸同鄉羣策羣力以踵其成庶幾吾永之聲華得永喬茂於鷺島間也願與諸同鄉共勉之

中華民國二十年七月吉日徐近齋序於廈門永定公會

縣應

上所

朝俸



本會文牘

節錄者刊列於下

代類

南京政府宋委員子靖轉譚主席鈞鑒永定共黨于六月三十日聚眾暴動進攻縣城焚劫各鄉勢甚猖獗經駐漳第四師派隊赴剿匪勢稍殺近奉省令改調郭鳳鳴部駐永因郭部實力薄弱僅足防守縣城金豐一帶匪勢復熾八月廿六廿七等日鄉團死力抵禦以無兵力援助險遭傾覆現永民轉徙流離老弱溝壑廬舍邱墟慘禍已極迫得電懇

鈞府分電閩粵兩省飛調駐漳第四師張貞部龍巖陳國輝部及廣東大埔駐防軍隊協助郭旅合圍痛剿務殲渠魁以絕根株實感德便臨電無任迫切待命之至永定旅廈同鄉會叩

(一)

南京中央政府蔣主席鈞鑒共匪朱毛竄汀各縣危急永民尤水深火熱乞速飭漳汕駐軍派隊堵剿以蘇民困切禱永定旅廈同鄉會叩

(二)

福州省政府陳代主席鈞鑒共匪朱毛竄汀各縣危急永民尤慘乞速電漳汕駐軍會剿以蘇民

困切禱永定旅廈同鄉會叩

(四)

漳州張師長鈞鑒昊天不弔禍亂頻仍永民何辜竟遭慘劫竊以永定地處偏僻山嶺崎嶇民七以來土匪蠭起搶掠時生農輟於耕商棄於市人民苦於水深火熱之中已非一日詎料共黨盤踞金豐陳東鄉殺人焚屋銷燬簿契強迫良民加入其黨見稍有田畝者妄指爲大地主稍爲溫飽者誣指爲資本家如岐嶺古洋坪水等鄉被其蹂躪慘不忍聞伏乞鈞長迅飭駐永軍隊前往痛剿以期早日撲滅無任感激之至永定旅廈同鄉會叩

(五)

萬急漳州張師長龍巖楊指揮鈞鑒永民不幸共禍連年焚殺擄掠悽慘萬狀今幸

鈞座派兵進剿伏冀嚴督團兵早清匪共以解倒懸猶懇軫念災黎速籌鉅款以資賑濟不意頃據中縣匪難同鄉來廈報告前敵剿共團兵日前進攻永定南溪大溪高頭等處時恣行騷擾不分良上所燒民屋已達數十座之多若不從速嚴令禁止則全永克復之日卽難民無家可歸之時瞻弱俊山寧不怒焉用特召集旅廈同鄉開會討論經一致決議發快郵代電籲請鈞座速前敵團兵努力剿滅匪共毋得亂焚房屋以慰災黎實感德便臨電不勝迫切待命之

至永定廈同鄉會叩

(六)

南京 黨部國民政府蔣主席福建省黨部省政府漳州張師長鈞鑒竊以閩西不幸共禍連年人慘以永爲最值此地方收復伊始若不迅卽辦理善後深恐水深火熱顛沛流離之災黎無家可歸治安前途胡堪設想朝俊等旅居鷺島念切鄉邦回顧災區怒焉如擣茲將永定急需辦理善後諸情謹爲縷晰泣陳乞垂鑒焉

一、禁止前敵勦共團兵焚燒房屋——近據由永避難同鄉來廈報告前敵勦共團兵進攻永定在南溪大溪高頭湖坑等處焚燒房屋已達數十座之多誠如是則全永克復之日卽難民無家可歸之時除已電請漳州張師長龍巖楊指揮嚴令禁止外應請中央再電前敵勦共團兵長官速令禁止并予嚴究以肅軍紀而慰災民

二、迅撥鉅款賑濟以救災黎——永定收復災民垂斃者計約數十萬若不迅撥鉅款以資賑濟誠恐轉徙無依之難民回鄉無所日食無所仰給應請迅撥鉅款匯交薩上將就近散放前方施賑以救災黎

三、速撥槍彈以接濟各地民團——近聞永定各地民團邇來勦共槍彈告罄應請速撥大宗槍彈以接濟各地民團俾殘餘匪共可得早日肅清

四、恢復閩省共區善後委員會——查閩省共區善後委員會停頓經年應請迅爲恢復以便繼續督辦善後事宜

五、酌留軍隊駐永以清餘孽——嚴永各地經已次第收復惟山巒重疊難免不無殘共伏竄各鄉阻碍交通爲患匪淺請酌留軍隊分駐永轄各地庶可肅清殘共以絕根株而除後患

六、劃分永定爲臨時特別自治區域——永定經已收復辦理善後尤爲急不容緩請卽劃分永定爲臨時特別自治區域由永民組織善後委員會辦理自治一切事宜并請任命薩上將詹省指委督促進行俾可實現訓政時期工作而建設民有民治民享的新社會

七、取消一切捐稅以蘇民困——永定收復庶政待舉應請取消一切捐稅免派各機關人員將全縣庶政暫歸善後委員會辦理以蘇民困

綜以上所陳各節伏懇軫念災黎如准施行曷勝感德臨電不勝迫切待命之至永定旅廈同鄉會賴朝俊賴聯輝朱寄廬徐近齋等仝叩

(七)

福建省黨部省政府楊主席鈞鑒頃閱報載知薩鼎銘先生電辭閩西放賑任務經蒙中央賑委會照准等因屬會邀聽之餘不勝惶恐竊念閩西共禍連年地方杌隉人民流離轉徙悽慘萬狀蒙薩先生不辭艱險前往放賑災黎愛戴匪共胆寒如適中撫市龍潭永福等處至今得以安靖不遭赤禍者皆薩先生坐鎮之力也邇者大軍進剿匪共將清善後撫慰端賴老成若准薩先生辭職則閩西善後諸政未免失其指導深恐地方前途從此復呈不安之象風會爲民請命理合籲請

察核並懇迅電中央賑委會俯順輿情收回成命則閩西數百萬災黎感德不已者矣臨電無任迫切待命之至永定旅廈同鄉會叩

(八)

漳州張師長勛鑒頃准永定縣金豐里善後委員會函開南靖縣屬之曲江書洋長教三團區各民團擅立過境捐各自勒抽烟絲牛皮貨担各項捐稅騷擾商旅違背國法請一致嚴重交涉務使取消等語准此查永定地狹人衆產不應供平日人民所恃以爲生活者厥爲區區之煙絲耳近年慘遭共禍生產銳減際茲重劫之餘民生凋弊政府對於災區除豁免一切捐稅外尙須格外籌賑況捐稅一項惟政府方得舉辦乃該區各民團竟敢擅立貨件過境捐各自勒抽此不特

剝削鄰邑人民騷擾商旅而且有違法紀已極爲此理合電請

鈞座察准迅令南靖縣政府嚴飭曲江書洋長教三團區各民團立予取消非法設立之過境捐以恤災民而維商旅臨電不勝迫切企盼之至永定旅廈同鄉會叩

呈文類 節錄要者刊列於下

呈請張師長嚴飭部屬認清匪黨勿受土劣包圍加害善良文

呈爲呈請嚴飭部屬認清匪黨勿受土劣包圍加害善良致擴大慘禍事竊以永定此次不幸慘遭變亂推原禍始由於匪徒之煽惑播弄者固居多數而由於平日受城鄉土劣之過分壓迫無從昭雪遂爾挺而走險者亦屬不少現經

鈞長派隊進剿自不難一鼓盪平惟據傳聞大軍進駐所在間有不分皂白之舉誤以爲某鄉有共黨蠢動似乎全鄉人民皆屬共黨或以爲某人籍隸匪黨其親屬鄰舍之房產均應予焚燬沒收此種辦法誠恐共黨未除轉滋難民予共黨以宣傳之機會何況親屬關係莫過於父子兄弟而思想絕然不同者比比皆是以一人犯罪而累及親屬已極可怪乃從而波及全族全鄉之無辜善民不必做會有所言想

鈞長亦必洞悉其非茲可慮者永定土劣素甚猖狂我軍入閩以來民衆稍敢與抗因而結怨土

劣者實繁有徒此次大軍進剿逆當早已遠颺而土劣乘机活動謀害善良指某也爲匪黨某也爲匪親喉使軍隊逮捕無辜焚燒房屋以快其私意在所不免實則親屬應否科罪須視其有無附逆未可一概而論至于房屋類皆公有每一樓房有數十人或數百人以上居住絕非一家一人所有若因一二人附逆而將房屋焚燒是促其餘者走入迷途敵會期期以爲不可僉議應請鈞長嚴令赴永軍隊認清善逆分別辦理並誥誠派出長官勿受土劣包圍陷害善良致永民受禍益深所有各情理合縷陳

軍長鑒察施行實爲德便謹呈

國民革命軍獨立第四師長張

呈請福建勦匪司令部制阻團兵焚劫文

呈爲呈請制阻各處團兵焚劫以拯災黎事竊敵會於月前接准婆羅洲永定僑民救鄉會函開巡啓者永民不幸匪禍連年土共騷擾爲害尤烈正望大軍力勦拯我災黎不意消息傳來各處團兵間有藉勦共爲名而效尤焚劫似此貪殘禍將胡底同人等僑居海外心切家邦若不嚴重表示則全永克復之日卽僑衆無家可歸之時瞻望前途寧不悚然用特召集各埠同鄉開會討論經一致公決組織僑民救鄉會一面印發快郵代電籲請各長官加以愛護一面喚起僑民羣

策援助事關桑梓存亡務希一致呼籲以收効果是爲至禱等由准此查縣共匪勢極猖獗居民正在水深火熱中亟盼拯救今幸

鈞部派隊往勦而縣人民不啻大旱之望雲霓伏懇電令前方各長官約束團兵努力勦共毋得亂焚民屋以慰災民實爲公德兩便謹呈

福建剿匪司令張

呈請思明縣黨務指委會備案文

呈爲呈請備案事竊職會於民國十年由盧東笙江蘊和曾練鋒徐近哉李標能發起組織以聯絡同鄉感情增進梓桑福利爲宗旨並無其他不正行爲前已呈請思明縣公署核准備案本年一月間重新登記會員計入會新會員有二百七十一人因念

鈞會有指導人民團體之責爲此理合具文連同章程及職員會員表各三份呈請察核並乞准予備案指令示遵實爲公便謹呈

中國國民黨思明縣黨務指委會

公函類

節錄要者刊列於下

致汕頭永定同鄉會函